

UNIVERZITET U SARAJEVU
STOMATOLOŠKI FAKULTET SA
KLINIKAMA U SARAJEVU
BOSNA I HERCEGOVINA

Tel.: +387 33 214 249
Fax: +387 33 443 395

E-mail: dentalschool@sf.unsa.ba
Adresa: Bolnička 4a, 71 000 Sarajevo
Bosna i Hercegovina



UNIVERSITY OF SARAJEVO
SCHOOL OF DENTISTRY WITH
CLINICS IN SARAJEVO
BOSNIA AND HERZEGOVINA

Phone: + 387 33 214 249
Fax: + 387 33 443 395
E-mail: dentalschool@sf.unsa.ba
Address: Bolnička 4a, 71000 Sarajevo
Bosnia & Herzegovina

Na osnovu člana 78. do 86. Zakona o visokom obrazovanju Kantona (Službene novine Kantona Sarajevo, broj: 33/17, 35/20, 40/20 i 39/21), teksta Konkursa za upis studenata u prvu godinu studija na Univerzitetu Sarajevo u studijskoj 2022/23 godini, Univerzitet u Sarajevu – Stomatološki fakultet sa klinikama raspisuje:

OBAVIJEST O PRVOM UPISNOM ROKU ZA UPIS STUDENATA U PRVU GODINU INTEGRIRANOG STUDIJA I I II CIKLUSA U AKADEMSKOJ 2022/23 GODINI

PRVI PRIJAVNI ROK:

Od **13.06.** do **01.07.2022.** Nije predviđeno polaganje prijemnog ispita za upis na studijski program na stomatološkom fakultetu sa klinikama

Univerzitet u Sarajevu – Stomatološki fakultet sa klinikama raspisuje Konkurs za upis u prvu godinu integriranog studija za:

- 40 (četrdeset) redovnih studenata, troškove studija snosi Budžet Kantona Sarajevo
- 110 (stotinudeset) redovnih-samofinansirajućih studenata, troškove studija snosi student.
- 10 stranaca od ukupnog broja redovnih-samofinansirajućih studenata.

Prijave na Konkurs za upis u prvu godinu integriranog studija vrše se isključivo online, putem informacionog sistema www.upis.unsa.ba. Prijavni rokovi se zatvaraju na navedene datume u 16:00 sati.

Preliminarna rang lista kandidata koji su stekli uvjete za upis u I godinu integriranog studija objavljuje se 04.07.2022. godine.

DRUGI PRIJAVNI ROK:

Od 29.08. do 16.09.2022. godine za fakultete/akademije gdje nije predviđeno polaganje prijemnog ispita.

Prijavni rokovi se zatvaraju na navedene datume u 16:00 sati.

Preliminarna rang lista kandidata sa drugog prijavnog roka koji ispunjavaju uslov za upis na fakultete/akademije Univerziteta u Sarajevu bit će objavljena 19.09.2022. godine.

DOKUMENTACIJA POTREBNA ZA PRIJAVU NA KONKURS ZA UPIS U PRVU GODINU:

- (1) Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS, te su dužni uploadovati Uvjerenje o državljanstvu i Izvod iz matične knjige rođenih.
- (2) Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente koji se ne nalaze u sistemu EMIS.
- (3) Kandidati koji su srednju školu završili izvan Kantona Sarajevo, kao i kandidati koji su završili srednju školu u Kantonu Sarajevo a ne nalaze se u sistemu EMIS, dužni skenirati i uploadovati sljedeće originalne dokumente:
 - a) svjedočanstva o završenim razredima srednje škole završene u Bosni i Hercegovini u četverogodišnjem trajanju odnosno odgovarajuće priznate dokumente za kandidate koji srednju školu nisu završili u Bosni i Hercegovini (odnosno potvrdu kao dokaz da je postupak priznavanja/ekvivalencije u toku)
 - b) diplomu o završenoj srednjoj školi,
 - c) izvod iz matične knjige rođenih,
 - d) uvjerenje o državljanstvu,
 - e) dokumente relevantne za utvrđivanje broja bodova po kriterijima, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja,
 - f) Strani državljani: dokaz o poznavanju b/h/s jezika ukoliko se prijavljuju na studij koji se izvodi na b/h/s jeziku,
 - g) Državljeni BiH, odnosno kandidati koji dolaze iz država nastalih raspadom SFRJ: dokaz o poznavanju engleskog jezika, ukoliko se studijski program izvodi na engleskom jeziku.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

RANGIRANJE PRIJAVLJENIH KANDIDATA:

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji na osnovu:

1. općeg uspjeha,
2. uspjeha iz maternjeg jezika i predmeta značajnih za integrirani studij Stomatologije: Biologija, Fizika i Hemija,
3. rezultata ostvarenih na takmičenjima iz predmeta relevantnih za integrirani studij Stomatologije: Biologija, Fizika i Hemija,
4. odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja
5. ostala bodovanja definirana u članu 20 i 21. Konkursa za upis studenata u prvu godinu studija
6. prioriteta izbora studijskog programa.

Pravo učešća na Konkursu za upis u prvu godinu stručnog studija, prvog ciklusa i integriranog studija

(1) Pravo učešća na Konkursu za upis u prvu godinu stručnog studija, prvog ciklusa studija i integriranog studija pod jednakim uvjetima imaju:

- a) državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- b) kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
- c) kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.

(2) Kandidati koji su srednju školu završili izvan Bosne i Hercegovine imaju pravo učešća na Konkursu i prije izvršenog priznavanja odnosno ekvivalencije svjedočanstva o završenom srednjoškolskom obrazovanju u inozemstvu. Kandidati kojima nije završen postupak ekvivalencije/nostrifikacije dužni su da prilože potvrdu o pokrenutom postupku ekvivalencije/nostrifikacije. Kandidat može uslovno upisati u prvu studijsku godinu prije izvršene ekvivalencije/nostrifikacije svjedočanstva. U skladu sa Pravilnikom

o nostrifikaciji/ekvivalenciji inostranih obrazovnih isprava u osnovnoj i srednjoj školi („Službene novine Kantona Sarajevo“, broj: 20/19 i 23/21), postupak ekvivalencije/nostrifikacije obrazovnih isprava pokreće se podnošenjem zahtjeva Ministarstvu za odgoj i obrazovanje Kantona Sarajevo na predviđenom obrascu.

(3) Kandidate sa završenom srednjom školom po međunarodnim programima koji su odobreni od nadležnog ministarstva, a čiji se rezultati eksterne provjere znanja objavljuju u augustu ili septembru, fakulteti/akademije/centri/instituti se dužni uključiti u postupak za upis i prije izdavanja dokaza o položenim ispitima eksterne provjere znanja.

Izbor kandidata

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2022/2023. godini, koja je sastavni dio ovog Konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program, te vrednovanja rezultata prijemnih ispita ukoliko su predviđeni.

Preliminarna i konačna rang lista

(1) Preliminarna rang lista svih kandidata koji ispunjavaju uslove objavljuje se putem informacionog sistema eUNSA kao i na oglasnoj ploči/web stranici fakulteta/akademija/centra/instituta (pod šifrom koju su kandidati dobili prilikom registracije) nakon što je verificira Komisija, najkasnije dva dana od dana polaganja posljednjeg prijemnog ispita na Univerzitetu u Sarajevu, a za fakultete/akademije/centre/institute na kojima se prijemni ispit ne polaže – najkasnije dva dana nakon isteka roka za podnošenje prijave na odgovarajući prijavni rok Konkursa.

(2) Na preliminarnu rang-listu kandidati imaju pravo prigovora u roku od tri dana od dana objave iste, o kojoj je Vijeće fakulteta/akademije/centra/instituta obavezno donijeti odluku u roku od tri dana. Odluka Vijeća po prigovoru je konačna.

(3) Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori.

(4) Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta/akademije/centra/instituta.

(5) Kada se na jedinstvenoj listi kandidata u predviđenoj kvoti upisa nalazi više kandidata koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidata.

(6) Teološki fakulteti preliminarnu rang listu primljenih i prijavljenih kandidata, te konačnu rang-listu upisanih kandidata objavljuju nakon provedenog specifičnog postupka za upis kandidata na teološki studij. U roku od sedam dana od dana objave konačne rang-liste, kandidat koji je ostvario pravo na upis je obavezan dostaviti originale uploadovanih dokumenata fakultetu i izvršiti upis; u suprotnom smatra se da je odustao od upisa na studijski program za koji je aplicirao.

Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-19288-9/09 od 11. juna 2009. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% kandidata u statusu za koji konkuriraju.

Kada se na jedinstvenoj listi kandidata u predviđenoj kvoti upisa nađe određeni broj kandidata iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, koje su fakulteti/akademije/centri/instituti obavezni osloboditi plaćanja troškova školarine, fakultet/akademija/centar/institut ima pravo za broj kandidata koje oslobodi plaćanja školarine proširiti broj studenata koje upisuje u prvu godinu studija kandidatima koji ispunjavaju formalni uvjet za upis i to u statusu studenta koji plaća svoj studij.


Pod jednakim uvjetima iz ovih kriterija prednost imaju:


- a) djeca boraca-branitelja BiH,
- b) djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
- c) djeca organizatora otpora,
- d) djeca veterana-prvoboraca i
- e) djeca nosilaca najviših ratnih priznanja (čl. 1, 2, 5. i 24. Zakona o dopunskim pravima boraca-branitelja BiH ("Službene novine Kantona Sarajevo", broj: 45/12- Prečišćeni tekst 26/14, 46/17, 18/19 i 18/21).

Upis

U roku od sedam radnih dana od dana objave konačne rang liste, kandidat koji je ostvario pravo na upis je obavezan dostaviti originale uplaudovanih dokumenata fakultetu/akademiji/centru/institutu i izvršiti upis; u suprotnom smatra se da je odustao od upisa na studijski program za koji je aplicirao

Sarajevo, 13.06.2022.



DEKAN

Prof.dr.sci Muhamed Ajanović